

(2)  
DE CÆLI NATURA  
ET SUBSTANTIA  
O R A T I O  
JO. ANTONII VULPII

PUBLICI PHILOSOPHIÆ PROFESSORIS

H A B I T A

IN GYMNASIO PATAVINO

NONIS NOVEMBRIS; ANNO A V. P.

CIOIOCCXXVII.



P A T A V I I. CIOIOCCXXXII.

EXCUDERAT JOSEPHUS COMINUS.

*Superiorum permisit.*

THE  
O A T N  
HILL  
STATION  
1885

THE  
HILL  
STATION  
1885

VIRO ILLUSTRISS. ATQUE EXCELLENTISS.  
ANDREÆ SUPERANTIO  
ÆDIS D. MARCI PROCURATORI,  
EX ORDINE TRIUMVIRUM  
ACADEMIÆ PATAVINÆ CURANDÆ,

*Joannes Antonius Vulpus S. P. D.*



OGATUS olim a familiari  
suo Anaxagoras Clazome-  
nius, ANDREA SU-  
PERANTI Senator Amplissime, cujusnam  
rei caussa natus esset: *Inspiciendi*, respondit, *Cæ-  
li et Solis et Luna caussa*. Cum vero eum-  
dem

# E P I S T O L A.

dem philosophum quidam e populo ( ut vulgaribus hominibus odiosum fere est sapientiæ nomen ) acriter objurgaret, quod is a civium coetibus libenter abesset, ac patriam prorsus negligere videretur; illud memorabile pronuntiassse fertur, digitum ad Cælum intendens, *Mihi vero patria cura, & quidem summa est; non obscure significans, Nullam aliam sibi patriam esse, quam Cælum.* Socrates contra, quamquam ab Anaxagoræ disciplina profectus esset, existimavit tamen, homini a sublimium & cælestium rerum investigatione abstinendum, atque humana sola curanda, nempe quæ ad morum institutionem, familiæ præterea & civitatis gubernationem pertinerent. Ejus itaque vox in hanc sententiam pervulgata, ore omnium celebratur: QUÆ SUPRA NOS, NIHIL AD NOS. Uterque, si verum fateri volumus, non omnino recte. Nam ut civilia & domestica negotia floccifacientem, totum se astrorum contemplationi dedere, inurbanum ac subagreſte non injuria videtur: ita Cæli aspectu negle-

## E P I S T O L A.

neglecto mentis aciem ad terrena & vilia penitus convertere, præposterum & natura hominis indignum haberi potest. Quamobrem Lactantius auctor gravissimus, Divin. Institut. lib. 3. cap. 20. Socrati vehementer succenset, quod is nobilissimum animal, & ad summa genitum, arctis terrarum finibus, tamquam pistrino aliquo, concludere & coercere voluerit: Aristoteles vero Ethicorum lib. 6. cap. 7. tradit, Anaxagoram, Thaletem, & horum similes alios, sapientes quidem appellatos fuisse, prudentes non sane; quod scilicet admirabilia & difficilia callerent, sed humana ac sibi profutura ignorarent. Te porro si neutrius erroris affinem dixerim, Vir Præstantissime, vere ac merito dixerim. SUPERANTIOS enim illos veteres, Majores Tuos, imitatus, viros fortissimos, & civium suorum amantissimos, Patriæ semper consuluisti, & nunc, si quis alius, consulis Sevir Senatu regundo: verumtamen in doctrinæ studiis temporis aliquid ponis, & doctorum virorum sermonibus inter-

es,

## E P I S T O L A.

es , eorum præcipue qui de cælestibus & divinis disputare consueverunt . Nimirum regiones illas animo peragrarè anas , ad quas Tæ eximia probitas Tua , & maxima erga Immortalem Rempubicam merita aliquando evectura sunt . Optimis enim curis de salute Patriæ agitata & exercitata mens ( quod Cicero ipse testatur in Somnio Scipionis ) in supremam illam sedem & domum suam celerrime pervolabit . Quæ cum ita sint , Orationem hanc meam *De Celi Natura & Substantia* , tenuem illam quidem , sed industriæ ac diligentia meæ in Physica tradenda specimen qualecûmque , observantiæ vero erga Tæ Virum Summum , pignus ac testimonium , benigno animo , lætaque fronte , ut spero , excipies , meisque conatibus favebis . Deus Optimus Maximus , bonorum consiliorum adjutor , Tæ Patriæ , Familiæ , Gymnasio Patavino , mihi denique clienti & cultori tuo diu servet incolumem . Vale . Patavio . Kalendis Decembribus Anno a V. P. clbcccxxxii .

D E



DE CÆLI NATURA,

ET SUBSTANTIA.

O R A T I O.



**S**TUDIORUM curriculum hoc anno rursus ingressus, explicationem librorum Aristotelis de Cælo ab Amplissimis Rei Litterariæ Triumviris mihi mandatam esse video. Cum igitur in his libris philosophus noster, aspectabilem hanc rerum universitatem e quinque omnino corporibus constare doceat: quorum quatuor, vulgata nimirum elementa, & mutabilia sint, & oriantur atque occidant; quinti vero, a ceteris longe diversi, ea ratio sit, ut neque mutari possit, neque dissolvi; existimo iccirco, me recte facturum, si, Deo Optimo

A Ma-

Maximo opem atque auxilium ferente, celeberrimam quamque veterum & recentiorum Physicorum sententiam de Cæli natura & conditione in medio posuero, atque hinc futuræ disputationis exordium cepero. Tota enim, quanta est, superioris illius regionis consideratio vel ad Astronomos pertinet, vel ad Physicos. Atque Astronomi quidem leges accurate investigant, quibus astra, nempe corpora quæ in æthere moveri animadvertimus, constanter atque perpetuo trajectiones & conversiones suas absolvunt: horumque incredibili ac pertinaci labore, plurimum sæculorum intervallo, effectum est, ut homines multo ante scire ac prædicere possent, quo loco cæli quovis minimo temporis puncto unumquodque astrum futurum sit: quando item orturum, vel occasurum: quando eodem quo aliud, perventurum; vel, contra, quanto spatio a quolibet alio abfuturum, puta utrum nonnullis tantum circuli gradibus, an quadrante, an vero tota diametro. Præterea, quo tempore, defectus non tantum Solis ac Lunæ, sed etiam minorum illorum planetarum qui circum Jovem feruntur, & quos Galilæi sollertia primum detexit, contingere necesse sit: atque utrum totum planetæ corpus obscurandum sit, an vero solum ejus pars aliqua; & quota. Quæ omnia diligentissimis supputationibus deprehensa, in ephemeridas postea redigere solent, magno vitæ hominum usui atque adjumento futuras. Quid ego



ego nunc (1) Ptolemaicas tabulas, (2) Alphonfinas, (3) Prutenicas, (4) Danicas, (5) Rudolphinas, (6) Lansbergianas, (7) Philolaicas a Bullialdo concinnatas, (8) Streetianas, (9) Hirianas, Au-

A 2

reas

(1) *Ptolemaicas tabulas* ] Quæ in libris *μεγάλης συνήψεως*, nempe *Magna Construtionis*, sive *Almagesti*, Claudii Ptolemæi, Astronomorum apud veteres principis, passim occurrunt.

(2) *Alphonfinas* ] Eas Alphonsus X. Castellæ & Legionis Rex, cognomine Sapiens, ingenti sumtu confici curavit, & in vulgus edidit A.C. 1252. Cum ipse Astrologiam egregie calleret, ad illas tamen parandas doctissimos quosque Mauros, Arabas, & Judæos rerum cælestium cognitione florentes Toletum convocavit, eorumque opera usus est. Ceteris præstabat Rabbi Isaac Hazan, quem Hispanentes Judæi earum tabularum verum auctorem perhibent. Porro Alphonfini multa in hypothesibus Ptolemaicis immutaverunt.

(3) *Prutenicas* ] Auctore Erasmo Reinholdo Salveldienfi, qui eas Alberto Marchioni Brandeburgico, Ducique Prussiæ, Stetini, ac Pomeraniæ, anno 1551. dicavit Tubingæ. In his vero condensis, & Copernici numeris emendandis totos septem annos consumpsit.

(4) *Danicas* ] Quas nimirum Christianus Severini Longomontanus Danus composuit, Tychonis in Astronomia instauranda focus, & strenuus adjutor; Mathematicum vero publicus Doctor in Academia Hafniensi. Editæ sunt cum ejus Astronomia Danica Amsterodami 1621.

(5) *Rudolphinas* ] Quas e Tychonis Braheï observationibus fere depromptas Joannes Keplerus divulgavit anno 1627. & Rudolphi II. Cæsaris, cujus in aula floruerat, nomine insignivit. Vide Petrum Gassendum lib. 4. de vita Peireskii.

(6) *Lansbergianas* ] Ita dictas a Philippo Lansbergio Gandavenfi, qui eas edidit Middelburgi anno 1632.

(7) *Philolaicas a Bullialdo concinnatas* ] Ismael Bullialdus, Astronomus excellentissimus, edidit Astronomiam Philolaicam Parisiis 1645. adjectis tabulis.

(8) *Streetianas* ] Quæ exstant in Astronomia Carolina nova Thomæ Streetii Angli. Id opus Joannes Gabriel Doppelmayr in Latinum sermonem vertit, ediditque Noribergæ 1705.

(9) *Hirianas* ] Jussu Ludovici XIV. Galliarum Regis a Philippo de la Hire, illustri Mathematico, elaboratas, editæque Parisiis anno 1702.

reas denique Jo: Dominici Cassini, tametsi nondum editas, commemorem, immortalia excellentissimorum ingeniorum monumenta? hæ scilicet posteritati omni fidem facere possunt, ad quem usque finem terrestris animal homo, summa industria, improbo labore, mentis denique conatu progrediatur. In hos quippe viros, aut heroas potius, illa Ovidii e primo Fastorum ( V. 297. ) perbelle conveniunt:

*Felices animos, quibus hæc cognoscere primis,*

*Inque domos superas scandere cura fuit!*

*Credibile est, illos pariter vitisq̃ue, locisque*

*Altius humanis exseruisse caput.*

*Non Venus, & vinum sublimia pectora fregit,*

*Officiumve fori, militiaeve labor.*

*Nec levis ambitio, persusaque gloria fuco,*

*Magnarumve fames sollicitavit opum.*

*Admovere oculis distantia sidera nostris,*

*Ætheraque ingenio supposuere suo.*

*Sic petitur calum: non ut ferat Ossan Olympus,*

*Summaque Peliacus sidera tangat apex.*

His tamen, si verum fateri volumus, quamvis & hibernis noctibus vigilare, puroque ac sereno cælo vim frigoris perpeti, quamvis oculos servandis siderum cursibus delassare, & planetas quosdam sub Solis radiis plerumque latentes, ac tamquam in insidiis positos, notare ac patefacere debuerint: quæ difficultatis ac molestiarum plena sunt; benignius longe argumentum propositum fuit, quam Physicis, qui rerum earumdem

na-

## ( V )

naturas & proprietates explicare, in animùm induxerunt. Etenim Astronomi, Trigonometriæ præfidiis instructi, certissimam insistant viam, qua planetæ cujuslibet a terra distantiam, singulorum periodos vel tardiores, vel celeriores, varios eorundem accessus & recessus, tum astrorum loca, ortus, occasus, coitiones, digressiones, συζυγίας, oppositiones, aliasque τῶν φαινομένων mutationes penitus cognoscere possint, neque in errores adeo pudendos incidere: quamquam haud raro & ab iis peccatum fuerit, regularum fortasse negligentia: Physici contra; quorum cognitio fere tota sensuum testimonio innititur; cum ad res cælestes explorandas ventum est, tam longe a nobis remotas, conjecturis opus habent, quæ fallacissimæ persæpe sunt. Neminem igitur vestrum, Auditores ornatissimi, indignari aut mirari oportebit, tam varias esse, tamque inter se discrepantes virorum doctissimorum de Cæli natura sententias. Nam si philosophos minime vulgares, de rebus humilioribus, quas & oculis collustrare, & manibus contrectare ac versare ipsis licet, summopere dissentire videmus; eo magis humanæ imbecillitati ignoscendum est, quotiescumque mentis acies in rerum sublimium contemplatione, (1) quas natura longissimo inter-

(1) *Quas natura longissimo intervallo &c.* ] Plurimis maximisque difficultatibus obstructam esse rerum cælestium cognitionem, neque Aristoteles ipse dissimulavit; cujus hæc verba sunt cap. 3. l. 2. de Cælo: οὐκ ἔστιν ἀπὸ τοῦ ἀπορρητοῦ ἀπορρητὸν τὸ ἐν τῷ οὐρανῷ ἀπὸ τοῦ οὐρανοῦ ὅτι οὐκ ἔστιν

## ( VI )

tervallo a terrestribus hisce regionibus separare ac dispescere voluit, hebescit quodammodo atque caligat; neque judicia sua ita firmare aut stabilire potest, ut nullum reprehensioni aut dubitationi locum relinquat.

Pri-

ἢ τῷ ἥπῳ, πολὺ δὲ μάλλον τῷ πῶ συμβεβηκότων αὐτοῖς ( ὑπανοῖς ) αἰεὶ, *Quamquam*, inquit, *eminus facere inquisitionem conamur, eminusque non adeo loco, sed multo magis hoc ipso, quod eorum quae accidunt ipsis calis, tenuem valde sensum habemus.* Hic autem animadvertendum est, Aristotelem sensuum iudicio & periclitationi multum tribuere in exquirenda rei cuiuslibet corporeae veritate. Nisi enim rerum φαινόμενα, nimirum ea quae in rebus apparent, & in earum prima quasi fronte locata, in sensum nostrum incurrunt, probe cognita atque explorata habuerimus, inanes omnino ἀποδείξεις de natura constituemus, ingenii quae acuminis ac solertia nimirum abusi, somnia tantum leveisque conjecturas amplectemur. Recte igitur Lucretius lib. 1. v. 423.

*Corpus enim per se communis deliquat esse*

*Sensus: quo nisi prima fides fundata valebit,*

*Haud erit, oculis de rebus quo referentes,*

*Confirmare animi quicquam ratione queamus.*

*Communem sensum* appellat Lucretius ( ut id ἀντίρρογος moneam ) sensum omnium hominum, quibus ideo persuasum sit, corpora esse, quod ea videant, audiant, manu tangerent. Ceterum varietatem ad difficultatem quaestionum ad caelestia corpora pertinentium uberrime exponit Philo Judaeus ἐν τῷ 2<sup>ῳ</sup> βιβλίῳ, in libro de Insomniis; ex quo locum insignem; quamquam longiusculum, proferre non gravabor, qui legitur etiam, sed Latine tantum, apud Petrum Gassendum Physicae sectione 2. lib. 2. cap. 1. ὁ δὲ ῥημῶς, ait Philo, ἀπαπέλαστον ἔχει τῶν θέντων, ἔστιν ἰσχυρὸν σφαιρὶς γινώσκοντα ὡς ἑκάστη ὑποστάσις. τὶ γὰρ αὐτῷ ἰσχυρῶς ὅτι πιπρωγὸς ἐστὶν πρὸς ἀλλήλους ὡς ἑκάστη τις, ἢ ὅτι σφῆρ τὸ καθαρὰ πᾶσι, ἢ ὅτι πᾶσι τοῖς κυκλῶσιν σφῆρ, μεθυστὸν τῶν τεινῶν σφαιρῶν μετρίως; τὶ δὲ ἀπὸ αὐτῆς ἐξελκυστὸν σφαιρὰς ὡς τὸ αὐτὸ βλάπτει ἑαυτὴν, ἢ αὐτὸ μόνον ἐστὶν ὑποστάσις βλάπτει ἑαυτὴν, ποῦς ἐπιπείθεται ἡμᾶσι τοῖς ἰσχυρῶς; τὶ δὲ αἰσθητὸς; αὐτοῖς γὰρ ἴσως ὅτι πυρὸς πᾶσις; ἀρχὴ γὰρ ἐστὶν πᾶσις ἐξ ὧν ὅλας ὅλας αἰσθητὰς, αὐτοῖς ἀσμεντοῦς ἐστὶν μόνον, ἐν αἷς πᾶσι τοῖς ἐστὶν καὶ τιμωρῶν τῶν αἰσθητῶν ὅτις ἐκείνους ἢ σφῆρ ἐστὶν ὡς αἰσθητὸς, πυρὸς ἀσμεντοῦς, πᾶσις ἀσμεντοῦς αἰσθητῶν ἢ ἐκείνους ἢ ἐκείνους, ἢ τῶν ἐκ πυρὸς ἀσμεντοῦς; ἀσμεντοῦς

## ( VII )

Prima igitur de Cæli natura sententia ( prima, inquam, non tempore, aut dignitate, sed quadam facilitate doctrinæ ) Petro Gassendo tribuenda est, viro eximio, & in antiquorum philosophorum decretis cognoscendis maximopere exercitato; qui sectione II. Physicæ, lib. 1. c. 1. terram tantummodo, & huic circumfusa elementa reliqua, stellas item fixas, & vagas, ex materia constare docet. Interjectum autem, vastissimum ac prope immensum, cæli spatium, ( quod

νικὰς δὲ, ἢ κατὰ ἀναγκασμὸν αὐτὸν μόνον κινήσεις ἔχουσιν, & τὶ δὲ οὐρανὸς πότεροι γινέσονται, ἢ ἰδὸς ἐκφύεται φύγγῃ, ἡλιακαὶς ἐκλαμπόμενοι ἀκτῖσιν, ἢ καθ' αὐτὸν μόνον ἰδίᾳ, ἢ τύτῳ ὑδίστρων, τὸ δ' ὡς αἰμαῖν, ὡς αὖ ὡς οἰκῆν, ἢ ἀλλοτρῶν πυρὸς ἡράμας παύει, ὅτι ταῦτα καὶ πᾶσι τοιαῦτα τῷ τεπερτε καὶ ἀτίστῳ πῶς ἐὶ κόσμῳ σώματ' ὄντα ἡρώα, ἀδύλα καὶ ἀκατέληπα σχηασμοὶς ἐκαστίας, ἢ παγίῳ λόγῳ ἢ ἀληθείας ἐφομύνται, ὡς τε καὶ ὁμοῦσαι τινὰ θαύματα, ὅτι θιπὸς ὑδὸς πῶποτε ἰχθύει τύτῳ σφαγῶς κατελαβὼν ὑδίν. i. e. Cælum naturam habet qua comprehendere non potest; nullamque sui notitiam manifestam ad nos usque transmittit. Quid enim dicamus? esse illud concretam glaciem, ut nonnulli censuerunt? an ignem purissimum? an quintum aliquod corpus, cuius proprium sit in orbem moveri, nullius ex quatuor elementis particeps? Quid illa inerrans, & omnium extrema sphaera? an superius profunda est, an vero nihil aliud est quam superficies crassitudinis expertis, planarum figurarum similis? Quid porro stella? utrum sunt mæssa quadam terrea igne plena? quidam enim dixerunt, eas valles esse, saltus, ac silvas ignitas, ipsi carcere ac pistrino digni, in quibus huiusmodi sunt, ad pœnam impiorum, comparata. An sunt continui quadam, & dixerit aliquis, densa compages, puta spissamenta ætheris non dissolubilia? Sunt ne animata intelligentesque, an mentis & anima expertes? Voluntarios ne motus, an tantummodo coactos habent? Quid Luna porro? verum germanumque, an nothum præfert lumen? quod solaribus radiis illuceat, an propriis? An horum neutrum est? sed potius quoddam ex duobus temperamentum, ex proprio nimirum igne, & alieno? Hac enim omnia & similia, quæ ad quartum, idque præstantissimum, mundi corpus, nempe cælum, pertinent, incerta, & quæ comprehendere nequeant, conjecturis & similitudinibus, non solida veritatis rationi innituntur, ut jurare quis audeat, mortalium neminem ullo tempore quicquam horum manifestò percipere posse.

## ( VIII )

(quod pulchre (1) Pindarus Olympiorum Ode 1. dum Sol terras illustrat, vocavit ἱρήμας αἰθήρα, *desertum atherem*) nequaquam corporeum, sed omnino materiæ expers, inane, ac prorsus immotum, esse suspicatur; quod tamen corporibus quibusbet, hac & illac permeantibus, omni sublato impedimento, transeundi potestatem faciat. Si quis hanc sententiam probet, nullo negotio fortasse explicaverit, cur cælum sit summe pellucidum, (2) siderumque radios ad incredibilem

(1) Pindarus ] Verba sunt poetæ : μνηστὴρ ἄλλῃ σκόπευ' ἄλλο θαλαπλόκοι·  
 ποτ' ἐν ἡμίρᾳ φαεινὸν ἄστρον, Ἐρίμης δ' ἰ' αἰθέρῳ. Ne amplius Sole contem-  
 pleris Aliud quod magis foreat, Interdiu lucidum astrum, desertum per  
 atherem. Noctu enim cælum frequens est multitudo stellarum, nec  
 proprie desertum appellari potest; interdiu autem, fulgente Sole,  
 ac reliquorum siderum luce penitus oppressa, vacuum quodammo-  
 do apparet. Quam veram & germanam loci hujus explicationem  
 vetus Pindari Scholiastes non satis pervidit.

(2) Aristoteles tamen Gassendo non facile concederet, inane spatium trajectioni radiorum a stellarum corporibus usque ad oculos nostros quicquam prodesse. Etenim cap. 7. lib. 2. de Anima, Democriti opinionem valde improbat, qui docuerat, si totum illud intervallum quo nos a cælo distamus, inane fieret, nimirum ab omni corpore vacans, fore ut per inane hujusmodi optime videre possemus quodlibet corpus vel minimum in cælo positum, puta minimam formicam. Hanc vero sententiam Aristoteles ita refellit. Certum est, ait, nos videre non posse, nisi visus noster extrinsecus moveatur ad videndum ab aliquo corpore. Visus porro non patitur, neque movetur ab ipso colore, nullo corpore interjecto inter colorem & visum: siquidem corpus coloratum si ponatur supra sensum videndi, non efficit visionem. Propterea igitur videmus, quod visus patiatur, contingatur, & moveatur ad videndum a corpore interjecto, nimirum a pellucido illuminato, per quod propagatur atque diffunditur species, seu similitudo coloris. Igitur si spatium interjectum ab omni corpore vacaret, nihil omnino cerni posset. Colligit propterea, pellucidum corpus, quod Græci vocant διαφανές, radiorum luminis ὄχημα, seu vehiculum esse.

( IX )

lem distantiam trajiciat, neque ullum in adversam partem reflectat. Hæc enim est vacui, sive loci corpore carentis, natura; ut nullo modo obsistat, sed spatium & viam corporibus præbeat. Neque vero quicquam esse causæ Gassendus arbitratur, cur ingentia illa cæli interval- la plena potius, quam inania existimare debeamus. Ut enim sidera per illa moveantur, atque discurrant, nullo adminiculo iis opus esse censet, quo librentur & sustineantur; quemadmodum aves aere indigent ad volandum, pisces aqua ad natandum: neque enim stellas perinde graves esse, ac volucres & pisces, nullumque extra se habere, in quem decidunt, inferiorem locum.

Enimvero, si fingamus, astra omni corpore quo fulciantur, destituta, magno impetu deorsum ruere, quo tandem ventura esse dicemus, aut quo tandem loco quietura? Nonne philosophi quibus placet, terram in media mundi regione immotam consistere, eam ponderibus suis libratam in aere circumfuso pendere docent, propterea quod omnes terræ partes ad similem communemque naturam conveniant, unumque globum efficiant, adeoque si divulsæ inde fuerint, eodem summa ope reverti nitantur? Nulla porro causa est, quamobrem totum terræ corpus aliorum ferri oporteat; quo enim, quæso, terra moveatur, si eam aliquo moveri contingat? num ad aliam terram multo majorem,

B

cui

cui comparata hæc terra nostra quam incolimus, pars ejus quodammodo habenda sit? at præter hanc terram, alia terra nulla est: num ad corpus aliquod cæleste, puta Solem, vel aliquam stellis? at Solis, & cujuslibet sideris natura a terræ natura longe diversa est, neque iccirco fieri potest, ut vel totum terrenum corpus, vel ulla ejus pars ad tam dissimiles naturas congregetur. Quapropter mirum non est, terram in sua sede permanere, neque stationem deferere quam initio rerum sortita fuit. Ob eandem igitur causam singulæ stellæ, sive per tenuissimum labentes ætherem, sive per inania cæli spatia ( quod Gassendus opinatur ) permeantes, numquam de suis regionibus dimoventur, eisdem semper cursus tenent, eosdem semper gyros absolvunt. Verisimile quidem est, si quemadmodum terræ particulæ a toto ejus elementi corpore avelli possunt, ita Lunæ partes ( ut hoc potissimum exemplo utamur ) ab ejus sideris corpore vi avellerentur, eas sibi postea relictas, eodem recasuras unde avulsæ fuissent: totum vero Lunæ corpus in sua regione semper manere oportet, perinde ac totus terrarum orbis e. sibi præscriptis finibus numquam excedit. Eadem & reliquorum siderum ratio est.

Movement igitur corpora cælestia, ut sapienter olim animadvertit Galilæus, (1) eo tantum

ge-

(1) Systematis Cosmici Dialogo 1.



genere motus, quod (1) vel illa semper in eodem loco detineat, vel circa punctum aliquod medium per magni orbis ambitum deferat: quo motu neque ejus quæ movetur, stellæ, neque adeo proximarum stellarum ordo turbatur. Motum enim hujusmodi aut undique finitum, aut potius omni termino carentem appellare possumus: cum in circuli ambitu, a puncto quolibet conversio initium sumere, & ad punctum quodlibet, tamquam finem, contendere videatur. Cum autem certas maxime orbitas planetarum cursibus natura præscripserit, quas iis transilire non licet; propterea fit, ut intervalla quæ illas vel extrinsecus complectuntur, vel ab iis inclusa continentur, aliorum siderum trajectionibus expedita omnino relinquantur, neque ulla sequatur in rerum natura confusio. Porro quodcumque in orbem movetur, semper in eo est ut quodammodo e carceribus exeat, & ut pariter eodem redeat unde discessit. Idcirco solus motus orbis æquabilis est, ac sui semper similis: neque progressu fit celerior atque celerior, neque contra tardior atque tardior; id quod motui recto contingere videmus. Nam si corpus

B 2

fe-

(1) *Vel illa semper in eodem loco detineat* ] Hujusmodi est motus planetæ circa proprium axem. Porro vera loci mutatio nihil aliud esse videtur, si rem accuratius perpendas, quam mutatio distantie mobilis a centro. Ingentia autem mundi corpora quæ moventur in orbem, numquam mutant distantiam suam a centro, cum semper ab eo æquis intervallis distent. Ingentia igitur mundi corpora quæ moventur in orbem, numquam vere mutant locum.

feratur ad terminum naturæ suæ convenientem , quo magis ipsi propius fit , eo velocius movetur : contra , si vi quadam abreptum discedat a termino naturali ; quo longius abripitur , eo segnius incedit . Quæ autem corpora in orbem moventur , cum semper e locis naturalibus proficiscantur , ad ea semper nihilominus revertuntur : ita ut paribus omnino propensionis & repugnantix momentis æquabilitas motus conferveretur . Nihil igitur mirum , si corporum cælestium circuitus perpetuus est , neque tam longis temporum ætatibus adhuc cessat : ubique enim incipit , ubique desinit . Contra , in linea recta , per quam motus accelerat , aut retardatur , cum aliquando desinere necesse est . Qui enim motus progressu minuitur , aut languescit , violentus est : nihil autem in eo quod violentum est , perseverat . Qui vero augetur , & velocior fit , necessario tandem ad terminum pervenire debet , si quem habet , atque ibi cessare : ( 1 ) nam si nullum habuerit , neque incipere poterit . Nullo enim fine motui proposito , frustra esset motus . His argumentis adductus Galilæus , conversionem & circuitum dumtaxat , motum scilicet aqua-

( 1 ) Nam si nullum habuerit ] Aristoteles libro 1. de Cælo cap. 7. *Εἰ ἀδύνατον ᾄδειναι λευκὸν ἢ πυρρῶτον , ἢ εἰ ἀγύμνητον , ἢ γίνεσθαι τι πένον ἀδύνατον . ἀδύνατον ἄρα ἔστι φέρεσθαι ἐν αὐτῷ , ὃ μὲν δὲ διακρίνεται ἀπὸ κινήσεως φερόμενον .* i. e. Si impossibile est , album quippiam esse , aut cubitale , aut in Ægypto ; & fieri quicquam horum impossibile est . Impossibile est igitur , & illuc etiam quicquam ferri , quo nullum corpus pervenire potest quod fertur .

( XIII )

æquabilem atque perpetuum, proprium esse docet ingentium corporum hanc rerum universitatem constituentium, optimeque a Deo dispositorum: motu autem recto solum ob eam causam uti naturam, ut corpora quælibet, eorumque partes in sua loca, via nimirum brevissima, reponat, si forte e sedibus suis excefferint, aut ordine præpostero collocatæ fuerint. Propterea non temere Gassendus pronuntiavit, Astra nullum extra se habere, in quem decident, inferiorem locum.

Immo vero cum ea sint ad motum suapte natura comparata, motusque ipsorum, supra quam credibile est, sit velox, atque concitatus, iccirco, si Gassendum audimus, rationi consentaneum est, ut spatia quæ ab ipsis transmittuntur, a quovis corpore vacua & libera sint, quod motu scindi ac dividi oporteat, quodque propterea permeantibus vel tantillum obsistat. Porro, si tota illa spatia corpore aliquo repleta fuerint, quonam pacto radii e lucidis corporibus prodeuntes, aut ex opacis redeuntes, inoffenso, ut ita dixerim, pede ad nostras usque regiones pervenire possint, existimat, satis intellecturum esse neminem. Ait enim, hujusmodi corpus, stellas inter & hæc nostra loca interpositum, quantumvis tenue, quantumvis defæcatum, omnique crystallo purum longe magis atque pellucidum, contextum tamen e corpusculis esse oportere; quorum unicuique ea vis in-

erit,

## ( XIV )

erit, atque facultas, quæ exilem radium transire prohibeat, ipsumque a recto itinere facillime avertat. Nam si aer hic noster, olim cum sudum est, imbresque ac nives magna copia deciderunt, quamquam liquidissimus appareat, e longinquo tamen spectantibus (1) opacitatem quamdam contrahere videtur; (ejus enim corpuscula quæ remotiora sunt, exiguos illos meatus paullatim occludunt qui a propioribus ejus particulis liberi ac patentés relinquebantur) quid sentiendum erit de immenso aliquo corpore æthereo, inter sidera oculosque nostros collocato? Fingamus enim, ætherem decies, immo centies, immo millicies aere hoc nostro puriorem esse; ea tamen est spatiorum immanitas, ut ipsum tandem aere opaciorem effici necesse sit; atque ita stellis offusum, aut earum aspectum nobis eripere, aut saltem sub caligine quamdam exhibere. Quod vero ceteri philosophi necessarium omnino existimant, sidera inter ac terræ globum, corpoream quamdam naturam interjectam esse, ne tanta sit rerum naturalium disjunctio; pernegat Gassendus, ullam requiri conjunctionem, mutuamve nexum inter duo tota, quorum in eo natura consistit, ut unum ab altero maxime distet: ejusmodi autem, siderum atque telluris esse naturam. Si quis tamen ob-

(1) *Opacitatem quamdam* ] Hoc *καυρόμυθος* eleganter expressit Valerius Flaccus l. 1. Argonauticon v. 496.

— — — donec jam celsior arbore pontus,  
Immensusque ratem spectantibus abstulit aer.

obstinato animo contendat, corpus aliquod interjectum esse oportere; id profecto ea tenuitate futurum est, qualem vix cogitatione assequi possumus. Hanc porro sententiam, quæ Gassendo probabilis admodum visa est, postremis hisce temporibus Isaacus Nevvtonus, philosophus & mathematicus celeberrimus, acerrime propugnavit in opere quod inscripsit: *Philosophiæ Naturalis Principia Mathematica*. Cur enim planetæ perpetuo & æquabili motu circumferantur, neque ab orbitis suis umquam deflectant, hanc esse causam voluit, quod per inania cæli spatia moveantur, neque in ullum aliud corpus impingant. Nam, ut ipse docet, hæc natura est impetus impressi, ut in corpore moto constantissime permaneat, nisi cum alio communicetur.

Ceterum, illud animadversione dignum mihi videtur, Gassendum, tametsi pæne omnia suæ philosophiæ decreta ab Epicuri, ejusque interpretis Lucretii fontibus derivaverit, de spatio tamen inter Solem terramque porrecto ab illis longe dissensisse: quod certe spatium Lucretius libro 2. de Rerum Natura non omnino ἀσώματον atque inane esse docet, his versibus: (1)

*Nunc quæ mobilitas sit reddita materiai  
Corporibus, paucis licet hinc cognoscere, Memmi.  
Primum Aurora novo cum spargit lumine terras,  
Et varia volucres nemora ævia pervolitantes  
Æra*

(1) versu 141.

## ( XVI )

*Aera per tenerum liquidis loca vocibus opplent:  
 Quam subito soleat Sol ortus tempore tali  
 Convestire sua perfundens omnia luce,  
 Omnibus in promptu, manifestumque esse videmus,  
 At vapor is quem Sol mittit, lumenque serenum,  
 NON PER INANE MEAT VACUUM: quo tardius ire  
 Cogitur, aerias quasi cum diverberet undas:  
 Nec singillatim corpuscula quaeque vaporis,  
 Sed complexa meant inter se, conque globata:  
 Quapropter simul inter se retrahuntur, & extra  
 Officiuntur, uti cogantur tardius ire.  
 At, qua sunt solida primordia simplicitate,  
 Cum per inane meant vacuum, nec res remoratur  
 Ulla foris; atque ipsa suis e partibus unum,  
 Unum in quem capere locum, connixa feruntur:  
 Debent nimirum praecellere mobilitate;  
 Et multo citius ferri, quam lumina Solis,  
 Multiplexque loci spatium transcurrere eodem  
 Tempore, quo Solis pervolvant fulgura calum.*

Comparat poeta mobilitatem atomorum per  
 immensum inane discurrentium, cum celeri-  
 tate radiorum Solis: atque ita ratiocinatur: Si  
 tanta est luminis quod Sol mane diffundit, ce-  
 leritas, ut, quamquam ei æther, vel aer medius  
 non parum obsistat, momento pæne temporis  
 nocturnam caliginem undique discutiat; quanta  
 propterea primis corpusculis velocitas tribuenda  
 est, quibus libere volitantibus nihil usquam oc-  
 currit quod eorum itineri moram atque im-  
 pedimentum afferre possit? Ne-

( XVII )

Nemo, ut opinor, inficiabitur, argumenta quæ paullo ante memoravimus, ingeniose admodum ac sollerter a Gassendo excogitata fuisse. Certe enim, si astra propriis motibus in cæli spatiis corporeis atque immotis ferrentur, non ea porro pergerent velocitate, qua pergunt: & saltem longissimis sæculorum intervallis motus eorum tardior fieret. Neque puncto prope temporis tanta existeret luminis propagatio, quantam reapse existere miramur. Corpus enim illud interpositum, quamquam summa tenuitate præditum, ob immane tamen intervallum, radiis corporeis ( saniores enim philosophi, luminis radios non sine corpore esse, jam docent ) impedimento esset, quominus ad terram momento pervenirent. Ad hæc tamen incommoda e natura tollenda *impossibile* Gassendi minime necessaria est; cum præsertim ea corporum omnium colligationi adversetur, inani videlicet spatio inter illa relicto. Nam & qui cælos ex materia constare docent, eosque fluxos & liquentes esse contendunt; de quorum doctrina non ita multo post verba faciam; ii & rerum universarum conjunctioni consulunt, & idoneam causam asserunt, cur sidera tam celeriter moveantur, & cur lumen tam subito per immensa cæli ac terræ spatia diffundatur. docent enim, stellas non per immotam cæli materiam discurrere, sed cum ea simul circumagi: neque radios luminis ab æthere ipso distinguunt, sed in eo potius

C con-

consistere ostendunt: quod cujusmodi sit, suo loco declarabimus.

Altera <sup>ὑπερθεωρις</sup> de Cæli natura, spatium illud omne quod stellas inter atque elementorum regionem porrigitur, solidissimo ac durissimo quodam corpore plenum esse ponit, sed crytalli, aut aquæ in glaciem concretæ simillimo; ne scilicet aliquis miraretur, id adeo pellucidum & perspicuum esse. Hanc opinionem defendit olim Anaximenes, qui nempe cælum crytallo, sidera clavis crytallo infixis comparabat. Hujus etiam patrocinium suscepit Empedocles, (1) ut quidem Plutarchus tradit libro 2. de Placitis Philosophorum capite 11. his verbis: Ἐμπεδοκλῆς ( φησὶ ) εἰρήματα ὅτιαι τὸ ὕψους, ἵς αἰρὲς συμπαγῆς τὸ πῦρ προσαλλομένης, τὸ πυρρὸς ἔ' αἰρῶδες καὶ ἰσαρίην τῶν ἡμισφαλείων ἀείχοντα. i. e. *Empedocles ( ait ) calum esse solidum; glaciæ in modum ex igne ab aere compactum, quod igneam aeriamque naturam in utroque globi semisse contineat.* Sunt etiam, qui Anaximandrum Milesium, philosophum vetustissimum, popularem ac discipulum Thaletis, soliditatem cælo tribuisse scribant (2); ex quo tamen certo colligere non pos-  
sis, ei placuisse, cælestia corpora ex duriori ali-

(1) Quam sententiam Empedoclis videtur floccifacere Lactantius in libro de Opificio Dei, cap. 17. *An, inquit, si mihi quis dixerit aneum esse calum, aut vitreum; ut Empedocles ait, aerem glaciatum; statimne assentiar, quia calum ex qua materia sit, ignorem? sicut enim hoc nescio, ita illud scio.*

(2) Joannes Stobæus Eclog. Physic. cap. 14.



## ( XIX )

aliqua materia consistere, sed tantum ex ea quæ corruptioni & dissolutioni, propter soliditatem, haudquaquam obnoxia esset. Non etenim quæcumque sunt solida, & plagæ vim respuunt, dura continuo censerī debent; siquidem & Epicurus atomos illas suas omnino solidas inducit, ac propterea corruptionis expertes, quæ tamen efficiendi corpora mollia, immo & fluentia, aerem puta & aquam, facultate præditæ sint. Utrum vero ita sentientibus Claudium Ptolemæum, insignem illum antiquorum temporum Astronomum, annumerare oporteat, necne, minus mihi compertum est. Nam cæli quidem soliditas, ad cælestium orbium, epicyclorum præcipue, apparatus & machinationem struendam in primis idonea est; quorum ope Ptolemæus motus astrorum accuratius explicare & supputare sibi visus fuerat. Nonnullam tamen dubitationem asferunt ea verba quæ apud ipsum legere est *μεγάλης συνθέσεως* l. 13. cap. 2. & recitantur Latine a Gassendo Physicæ sect. 2. lib. 1. cap. 1. *ὅτι μὴ μέντοι, inquit, ἀλλὰ τὸς κατὰ μίρον κύκλος τὸ ποῦναι δοδεῖν, ἀλλὰ ἔτι καὶ πρὸς σφαίρας αὐτὰς ἔτι τὴν ἄξιαν τοῦ περιφορῶν, ὡς ἔστιν ἐν ταῖς ὑπερφαις κινήσει συμπερικλῖν ἔτι ἐπαλληλίας ἐν μὲν ταῖς κατὰ κέντρα ζυμβίαις παρ' ἑμῶν εἰκόσιν ὡρῶμεν ἰσχυρὰ ἔτι διατάσσονται οὗτοι τὸ τοῦ κινήσεως ἀκόλουτοι, ἐν δὲ τῇ ὑπερφαι μετὰ μὴ μετὰ μὲν ὑπὸ τῇ ποικίλῃ μίξεως ἐμπροσθεν ζυμβίαις. i. e. Ipsa in medio superando facilitas (Græce τὸ δοδεῖν) non circulis tantum peculiaribus convenit, verum etiam sphaeris, circumductionumque axibus; quorum quidem in motibus variis implexionem, permixtionemque mutuat,*

tuam, creare videmus in his nostris quæ apparamus, speciminibus & laboriosam & difficilem exhibendis motibus libertatem: at vero in celestibus haudquaquam, nulloque modo creatur ex ista commixtione impedimentum. Quibus verbis Ptolemæus non obscure significat, nullos in cælo *eccentricos* orbés, nullos *epicyclos*, nullos axes, nullas planetarum orbitas esse, cujuscumque vel mente fingere, vel machinis arte paratis exprimere licet; sed cum libera omnino sint, fluxa, & liquida cæli spatia, stellas ipsas vario inter se positu, accedentes puta, recedentesque, ac tamquam ad numerum choreas ducentes, illa omnia præstare, unde instrumentum ac supellectilem veteres Astronomi sibi comparaverunt. Porro supremæ illius mundi regionis duriciem ac soliditatem Divinarum quoque Litterarum auctoritas tueri videtur: in libro enim Jobi, cap. 37. ( ut alia plura testimonia prætermittam ) legimus, *calos a Deo conditore solidissimos, quasi ære, fusos esse*. Verum si quis attentius totum locum perpendere & considerare voluerit, inveniet, ea verba non ab ipso Deo, vel a Jobo prolata, sed ab Eliu Jobi amico, qui cum eo colloquebatur. Hunc autem paullo post, tamquam inepte ac stulte locutum, ipse Deus increpat. Hæc enim occurrunt initio cap. 38. *Respondens autem Dominus Job de turbine, dixit: Quis est iste involvens sententias sermonibus imperitis?*

Ceterum, hanc sententiam apud Græcos, Eudo-



quidem fixarum unum orbem solidum ac firmum esse voluit, in quo stellæ omnes, tamquam in rotæ alicujus apside clavi, depactæ forent: illius autem fornici, ut ita loquar, orbem alium accommodavit, qui priorem omni ex parte contingeret, & cui Saturni stella quodammodo illigata esset: tum intra secundi hujus orbis cavum, tertium posuit, qui stellam Jovis secum ferret: atque ita deinceps usque ad orbem Lunæ, quæ, ut ait Cicero libro VI. de Republica, in Somnio Scipionis, *citima terris, ultima calo est*. Hos autem planetarum orbis impetu primi cæli abripi voluit Eudoxus, ut tamen peculiari quodam motu ei semper obniterentur. Quam Eudoxi doctrinam, paucis quibusdam immutatis, Callippus tuendam & ornandam suscepit: deinde vero Aristoteles, ut perhibent, tantam ei conciliavit auctoritatem, ut duum millium annorum spatio a Peripateticis, in rebus certissimis & omnino exploratis numerata sit; nimirum usque ad Tychonis tempora.

Hic enim, cum novam stellam in Cassiopeæ sidere deprehendisset; cometas porro non in ære, ut Aristoteles Meteorolog. lib. 1. capp. 6. & 7. falso opinatus fuerat, sed supra Lunam positos esse, quemadmodum olim tradiderant <sup>(1)</sup> Anaxagoras atque Democritus, & Seneca ipse <sup>(2)</sup> suspi-

(1) Vide Ricciolum lib. 8. *Almagesti* Novi sect. 1. cap. 6. n. 9.

(2) Seneca *Natur. Quæst.* l. 7. cap. 21. *Placet ergo nostris, inquit, come-*

( XXIII )

spicabatur, ac modo in altiora loca, modo in humiliora liberrime ferri, & quaquaversus evagari, certissimis matheseos regulis cognovisset; philosophos propterea monuit, ut cæli soliditatem deinceps in fabellas referrent. Cujus moniti fides tunc est confirmata, cum primum Astronomi animadverterunt, Martem eo tempore quo teluri propior est, sive *perihelion*, infra Solem descendere: quod nulla ratione fieri posset, si cælestes orbes e duriore aliqua materia, puta crystallina, constarent: necesse enim esset, Martem e sphaera sua in Solis orbem solidum, atque immensâ profunditate, penetrare. Ad hæc, nisi spatia cæli fluxa & pervia forent, quomodo Venus jam citra Solem consisteret, jam ultra progredieretur, jam ad latus ejus incederet? quod ex mutabili ejus aspectu certissimum est. quomodo Jovis & Saturni comites circum eos planetas ferrentur? quomodo maculæ in Solis facie ab Astronomis notatæ eum continenter ambirent? Videtis igitur, nisi fallor, Auditores, hanc *indivisi* rationi pariter atque experientiæ adversari. Præterea, luminis radii non ea sane celeritate diffunderentur ac propagarentur, qua nunc eos diffundi & propagari videmus: corpus enim illud crystallinum,

*cometas, sicut faces, sicut tubas, trabesque, & alia ostenta cali, denso aere creari. Ideo circa Septentrionem frequentissime apparent, quia illis plurimum est aeris pigri. & rursum cap. 22. Ego nostris non assentiar. Non enim existimo cometem subitaneum ignem, sed inter aterna opera natura.*

num, quamvis nitidissimum, eos profecto aliquantum remoraretur, & fortasse a recto cursu detorqueret. Deinde, cum Sol in opposito nobis *apazie* noctu detineretur, & radios tamen confertissimos in superius hoc *imozpazietor* jaculatur, facile admodum contingere posset, ut radii, centum quidem, aut etiam sexcentos cælestis corporis meatus inoffensi transirent, sed tandem impedimentum aliquod meatibus interpositum offenderent, a quo retorquerentur: atque iccirco necesse omnino esset, innumerabilem radiorum reflexorum multitudinem in oculos nostros incurrere, & noctem in diem quodammodo converti; quod nihilominus reapse non contingit.

Neque illud quidem argumentum quod affert Gassendus loco sæpius memorato, adversus hujus opinionis patronos, mihi videtur silentio prætereundum. Cum enim ob id potissimum cælestes orbes inducant solidos, ut inferiores a superioribus facile in easdem partes abducantur, ostendit vir ingeniosus, hoc nullo modo fieri posse. Nimirum & supremus ille orbis, & ceteri omnes qui supremo continentur, exquisitius formati, & quasi torno politi, circa commune centrum volvi debebunt. Nihil igitur præsto erit majoribus orbibus, unde abripiant minores, aut in illos vim suam exercean, quamquam ipsos proxime contingant; superficies enim concavæ mirum in modum æquabiles ac læves, lubrico lapsu convexas, pari æquabilitate ac levore præditas

ditas, prætervehentur, neque in eas impetum facere, neque longius propellere; neque secum abducere ullo modo poterunt. Quod si devi- tandi hujus incommodi causa, cælestium orbi- um partes aliquas eminere, aliquas hiare singa- mus, ut scilicet eminentes lacunosis excipiantur, eoque subsidio sphaeræ inferiores a superioribus, tamquam injectis harpagonibus naves, prorsum trahantur; id statim vitium consequetur, ut pla- netarum orbibus regressu prohibitis, proprioque motu penitus destitutis, unus tantum in cælo motus, nempe diurnus, relinquatur.

Ceterum, quamquam Aristoteles cælestia cor- pora interitus omnino expertia esse, luculente ad- modum docuerit; non tamen æque manifestum est, ipsum existimavisse, ea solida esse, & qua- si crystalli instar obtinere, vel aquæ in glaciem concretæ. Enimvero locum aliquem, in quo Aristoteles id aperte contendat, monstrari mihi velim: nondum enim reperire potui. Quod sa- ne si litteris mandasset, non obscure secum ipse pugnavisset: crystalli enim natura terrena est, ac multum opaci admixtum habet: philosophus autem libro 2. de Anima cap. 7. docet, cor- pora cælestia summe pellucida esse; tum illud sæpius inculcat, cæli qualitates ab elementorum qualitatibus differre plurimum. Neque Male- branchius, acerrimus alioquin Aristotelis inimi- cus, hanc opinionem ipsi objecit, cap. 5. lib. 6. de Inquirenda Veritate, ubi libros ejus de Cæ-

D

lo,

lo, de Ortu item atque Interitu, refellit, contemnit, irridet : quod certe facere haudquaquam neglexisset, si hujusmodi sententiam ipsi tribui posse arbitratus esset. Non tamen valde negaverim, multa Aristotelem in his de Cælo disputationibus peccavisse, quod videlicet nullam, vel certe parvam admodum, Astronomiæ operam dederit: quam vix a limine videtur salvavisse.

Venio nunc ad tertiam de Cæli natura sententiam, quæ recentiorum pæne omnium philosophorum communis est. Horum itaque temporum philosophi, spatium illud vastissimum atque immoderatum, stellas inter ac tellurem diffusum, e materia quidem constare docent, sed illa fluxa, spirabili, & mirum in modum attenuata; cui etiam, auræ æthereæ, sive ætheris aut aeris purissimi, maximeque subtilis, nomen imposuere: qui nimirum si cum aere hoc nostro, quem ducimus, comparetur, tanto eum tenuitate antecellit, quanto ipse aer noster aqua rarior ac tenuior est. Quæ tamen opinio, si verum fateri volumus, & priscis nonnullis philosophis, in primis (1) Anaxagoræ, (2) Democrito, (3) universæ Stoicorum familiæ, pluribus etiam

(1) Vide Plutarchum de Placitis Philosoph. l. 2. c. 13. item Aristotelem l. 1. Meteorolog. c. 3.

(2) Vide Laertium l. 9. in vita ejus.

(3) Lucilius Balbus, disciplinæ Stoicorum maxime addictus, ita lo-



( XXVII )

etiam (1) Catholicæ Ecclesiæ Patribus tribuenda est: qui saltem inferius cælum, in quo stellæ vagæ, sive planetæ, cursus & conversiones suas conficiunt, ex agitabili quadam tenuique materia compositum esse existimavere. Placuit porro Anaxagoræ, Democrito, eumque secuto Epicuro, cum solidos orbes e medio sustulissent, unum esse omnium stellarum motum, qui nempe ab ortu in occasum tendat: videri autem planetas contraria via orientem versus procedere, quod a superiorum siderum incredibili celeritate, ipsi segniores, ad eam regionem relinquantur. Hujus doctrinæ ita meminit Lucretius l. 5. v. 620.

*Nam fieri vel cum primis id posse videtur,  
Democriti quod sancta viri sententia ponit:  
Quanto quæque magis sint terram sidera propter,  
Tanto posse minus cum cali turbine ferri.  
Evanescere enim rapidas illius, & acres  
Imminui subter vires, ideoque relinqui  
Paullatim Solem cum posterioribus signis,  
Inferior multo quod sit, quam fervida signa:*

D 2

*Et*

loquitur apud M. Tullium l. 2. de Natura Deorum: Nec vero stella ea qua inerrantes vocantur, non significant eandem mentem disque prudentiam: quarum est quotidiana, conveniens, constansque conversio: nec habent athercos cursus, neque calo inhærentes, ut plerique dicunt physica rationis ignari: non est enim ætheris ea natura, ut vi sua stellas complexa contorqueat. nam tenuis, ac perlucens, & aquabili calore suffusus æther, non satis aptus ad stellas continendas videtur.

(1) Lege præter ceteros D. Ambrosium Hexaemeri l. 2. c. 51. Consule item Ricciolum Almagesti Novi lib. 9. sect. 1. cap. 7.

( XXVIII )

*Et magis hoc Lunam, & quanto demissior ejus  
Cursus abest procul a cælo, terrisque propinquat,  
Tanto posse minus cum signis tendere cursum.  
Flaccidiore etiam quanto jam turbine fertur  
Inferior quam Sol, tanto magis omnia signa  
Hanc adipiscuntur, circum, præterque feruntur.  
Propterea fit, ut hæc ad signum quodque reverti  
Mobilius videatur, ad hanc quia signa revertuntur.*

Neque vero tenuis hujusmodi atque subtilis materia, e qua philosophi paullo ante memorati cælum contextum esse volunt, ita continua censeri debet, ut foraminibus omnino careat; quemadmodum olim (1) Franciscus Lana eam cogitatione finxerat: qui cum cælum nulli mutationi neque corruptioni obnoxium statuisset, iccirco ex nullis atomis, sive particulis figura præditis, illud constare affirmavit: quod scilicet atomi exiguas quasdam vias inter se relinquere ament, ex quibus dissolutionem & corruptionem tandem consequi necesse sit: corpora enim propterea dissolvi atque retexi, quod eorum particulæ magis *contiguae*, quam continuæ sint, atque adeo facillime situm atque ordinem mutare possint. Sed cum radii Solis & siderum per cæli spatia transeant, & ad nos usque ferantur, manifestum est, cælum non esse corpus ita continuum, ut omni prorsus meatu destitutum sit. (2)

Cor-

(1) *Franciscus Lana* ] Operum Volum. 2. lib. 8. Prop. 31.

(2) Huic simillimum argumentum occurrit apud Sextum Empiricum

## ( XXIX )

Corpus enim hujusmodi, quamquam tenuissimum, & mire subtile, radiorum luminis transitum profecto magis impedit, quam corpus aliquod crystalli simile, in quo vias aliquas radiis patentibus esse fingamus. Propterea Lanæ sententia nullo modo propugnari potest.

Præstat igitur, aut ego fallor, Cartesii doctrinæ adhærere, quam ad *παρέρηξ* facilius explicanda, nonnulli ejus sectatores aliquantulum immutaverunt. Verisimile itaque existimant Cartesiani, in ipsa mundi creatione atque exordio, spatium illud cæli nullis prope terminis circumscriptum, a rerum omnium conditore ac parente Deo, corpore quodam fluxu atque incredibilis tenuitatis, repletum fuisse; quod corpus ex particulis quibusdam solutis, & punctis materiæ *contiguæ* constet: quæ puncta rotunda figura esse, ac instar globulorum habere, opinantur, ut scilicet impulsui magis obsequi possint. Hujusmodi autem puncta, eo motu qui est ad rectam lineam, pulsa vel pressa, luminis sensum in animalium oculis excitant. Quem pulsum materiæ cuidam summe attenuatæ, & in omnem par-

D . 3

tem

ricum Pyrrhoniæ Hypotyposeon lib. 2. cap. 12. cujus hæc verba sunt: *ὅτι πῶς ἐστὶ τὸ ἐνφαντικὸν ἰδρῶτες, οἷοι ποτὶ πόροι. ἀλλὰ μὴ τὸ ἀπὸ τοῦ ποροῦ ἀπὸ τοῦ ποροῦ τὸν ἰδρῶτα ἐκκαταστήσιν ἐν τῷ αἵματι, ἀλλὰ τὸ ἀπὸ τοῦ ποροῦ τὸν ἰδρῶτα ἐκκαταστήσιν ἐν τῷ αἵματι. ἢ ἐστὶ τὸ ἀπὸ τοῦ ποροῦ τὸν ἰδρῶτα ἐκκαταστήσιν ἐν τῷ αἵματι. ἢ ἐστὶ τὸ ἀπὸ τοῦ ποροῦ τὸν ἰδρῶτα ἐκκαταστήσιν ἐν τῷ αἵματι.* i. e. Si sunt sudores per superficiem, sunt pori quos mente percipere possumus: atqui prius est, ergo *et* posterius. Nam si sunt sudores est declarativum hujus, videlicet poros esse: quod præconcepta sit in animo illa opinio, per solidum corpus humidum non posse ferri.

tem admirabili celeritate agitatz, tribuere ipsis placet: qua nulla tenuior, nulla mobilior esse, aut excogitari possit: deveniendum enim tandem est ad aliquod motus principium; neque sine fine ulterius procedendum. Ab hac vero materia & spatia illa exigua quæ inter globulos æthereos comprehenduntur, accurate impleri; & ab eadem in certis mundi locis ingenti copia collecta, rerum opifice ita jubente, lucida illa & nobilissima corpora, Solem nimirum & stellas fixas, maximam partem componi opinantur.

Ut tamen hæc doctrina veritati proxima sit, illud vix intelligi potest, quomodo in Sole, & in reliqua illa stellarum inerrantium multitudine, sola vigeat materia subtilis, nulla re solidiore suffulta, quæ ipsam contineat, prohibeatque ne dilabatur: præsertim cum philosophi fere omnes astrorum corpora magis compacta, densa, & stipata esse velint, quam sint cæli spatia, in quibus feruntur. Nam corpora omnia vere pellucida, & colore destituta, quæ nullos luminis radios in adversam partem reflectunt, & propterea oculorum aciem fugiunt, rariora & leviora sunt, quam corpora opaca, & colorata, quæ cum lumen vel aliunde in ipsa incidens, vel ex sua natura profectum, ulterius transire prohibeant, ejus radios retorquent, & iccirco a nobis videri possunt. Aer porro, & multo magis æther corpora sunt vere pellucida, neque sub

sub aspectum cadentia: contra, corpora lucida; ignita, & flammam emittentia, in quibus astra numerantur, sunt opaca, & colore infecta, cum & a nobis videantur, neque res alias post se collocatas videri patiantur. Manifestum igitur est, aeris & ætheris, quam ignis & ignitorum corporum materiam esse rariorem. Semper enim ignis ad terrestrem aliquam gravioresque naturam adhærescit, in quam scilicet vim suam exercet, & quæ ipsi alimentum ac sedem præbet. Quapropter non adeo inepta existimanda est (1) Anaxagoræ opinio, quam postea suffragio suo comprobavit (2) Democritus; natura nimirum terrestri stellas esse: ignemque post primam illam elementorum separationem, cum ad loca sua discessisset, terræ partes nonnullas ad se pertraxisset, utque igneam naturam referrent, effecisse. Ex quo colligebat, Solem massam aut lapidem esse immensæ magnitudinis, igni candentem. Sed hæc hæcenus.

Primam igitur, & ab ipso Deo profectam, materiæ tenuissimæ agitationem, *lucem* Cartesiani appellant: ex ea vero ortum ad rectam lineam, ætheris circumfluentis, in omnes partes impulsam, *lumen*, & *luminis radios* nominare consueverunt. Quæ cum ita sint, Solis propterea & reliquorum globorum lucem emittent-

(1) Achilles Tatius *Isagoge* in Arat. cap. 11. Plutarchus de Placitis Philosoph. lib. 2. cap. 20.

(2) Plutarchus *ibidem*.

rentium radii, dum ab origine sua profecti, ad oculos nostros pervenire nituntur, nihil offendunt quod ipsis impedimento sit, vel moram faciat; quominus momento temporis longe lateque diffundantur. Etenim spatia illa vastissima, sideribus lucidis interjecta, non alio corpore plena sunt, quam æthere tenuissimo, sive punctis æthereis se se mutuo contingentibus: quæ puncta sunt ipsum luminis vehiculum, ut ita loquamur; pulsuque a corporibus lucidis accepto, ipsos luminis radios constituunt: atque ideo æther & radii non sunt duæ res inter se diversæ, neque æther ullo modo radiis permeantibus obsistit; id quod Gassendus verebatur. Deinde, si aliqua ratione admirabilis velocitas luminis intelligi aut comprehendi possit, hujus tantummodo ~~videtur~~ <sup>videtur</sup> auxilio videtur comprehendi posse: ~~videtur~~ <sup>videtur</sup> enim Gassendi alias quidem difficultates evitat, quæ jam a nobis memoratæ sunt: at explicandæ causæ, cur lumen, temporis prope puncto per ingentia cæli terræque spatia discurrat, minus profecto idonea est. Nam si spatia illa vacua essent, cujusmodi ea fingit Gassendus, luminis corpuscula quæ primum e sideribus effluxissent, non nisi ingenti intervallo temporis terram contingere potuissent. Æthereas igitur lineas animo concipere licet, a lucidis stellarum corporibus continenter pulsas, tamquam rigida quædam bacilla, vel tentos funiculos: qua similitudine,

ne,

ne, ad hanc ipsam rem explicandam, usi quondam fuerunt etiam Simplicius, & Joannes Philoponus, (1) celeberrimi Aristotelis interpretes. Hoc autem ætherearum linearum pulsu semel probato, facile declarari potest, cur terra, Luna, & planetæ reliqui, quos omnes opacos esse satis constat, Solis radiis objecti tantopere splendeant: nifum scilicet earumdem linearum, quæ ad illos recta feruntur, opacitate sua sistunt, & contraria via ad oculos nostros detorquent: quo fit, ut imperitis hominibus, sensus luminis in ipsis excitatus, ab his corporibus, tamquam ab origine, advenisse, falso videatur.

Atque hæ sunt, Auditores, præcipuæ maximeque celebres de Cæli natura opiniones. Possem & alias minus vulgatas in medium afferre: quas tamen libenter prætermitto, & quod infirmis admodum argumentis nitantur, & ne humanitate vestra diutius abutar. Existimo autem,

(1) Joannis Philoponi, cognomine Grammatici, verba hæc sunt, e Commentario in caput 7. libri 2. Aristotelis de Anima: *ἄνω, εἰ τις αἰὼν ἢ μακρὰς ἢ ὀλίγας χρόνους τὸ ἀπὸ κινήσεως, πᾶσα ἡ αἰὼν ἀρχὴ συγκατατίθεται, ὥστε ἢ ὅμοιων συνίσταται, τὴν ἀπορίαν κινῶν τὸ τὸ ἐπὶ αὐτῶν ὅτι οὐκ ἔστιν ὅτι καὶ τὸ φῶς ἐκπύρηνει γίνεσθαι, διὰ πᾶν ἰσχυρὸς τὸ τὸ νόμον σώματα ἀλλήλων ἀπεκτείνεσθαι. i. e. Quomodo si quis funiculi longi distentique extremum moveris, funiculus totus, sine ulla temporis interjecta mora, una movetur, propter partium continuationem; dum scilicet antecedens quæque sequentem commovet: ita concidere oportet in actione quoque luminis rem habere, quod omnis mundi corpora se invicem deinceps contingant. Eadem fere legere est apud Simplicium in eundem locum Aristotelis; nisi quod Simplicius non funiculi, sed baculi potius comparatione utitur.*

( XXXIV )

tem, quæ dixi, satis futura ad studioforum adolescentium ingenia nonnihil acuenda, ut minus imparati, Aristotelis nostri decreta cum audire, tum æquis judiciis perpendere possint: cujus primum librum de Cælo, Deo dante, vobisque faventibus, proxima schola interpretari aggrediar.









---

P A T A V I I. C I C I O C C X X X I I.

EXCUDERAT JOSEPHUS COMINUS.